



# Tir Yimyim

www.tiryimyim.in

Regd. No. RNI. NAGAAO/2004/13113. Postal-NE/RN-717.

e-mail : tiryimyim@gmail.com

TAPAK 7

Yangia anidakangma : Tir Yimyim

tiryimyim@aolima

tir yimyim

TAPAK 8

Imran Khan indang medical test nung cocaine ngutet: Pakistan health minister

Haaland nem Premier League Player of the Season naroküm agütsü



VOL. XX NO. 225 (ADOK 225)

DIMAPUR

AMUNGNÜ (SUNDAY)

MONUPII (MAY) 28 2023

₹ 5.00

## Nisung kari Naga club building raksatsü; NSF-i ghonda 24 züngzüksür

**Kohima, May 27, 2023 (TYO):** Honibar anepdang züngia mejangjaba nisung kari Kohima nung Naga Students' Federation (NSF) central office raksatsüogo.

Naga Club building dang Heritage of the Nagas housing ta-ajar aser iba nung NSF indang office ya liasü.

Kohima Local Ground indang South Gate anasa aliba Naga Club building nung NSF indang office dang masü saka All Nagaland College Students' Union (ANCSU) aser Kohima Press Club office tem lir aser iba dak alia printing press 3, dokan tilala pungu, advocate's chamber ka aser hotel ka lir.

Osang angazükba agi nisung telok kati tanep 3:00 ako meta nok bener aser JCB truck ka amshia Naga Club building raksatsü aser anü matokdang parnok oadok.

Nisung telok jagi NSF office aser parnok sen angudak raksatsüsü atema dang aruba liasü aser NSF president, general secretary, speaker o dokantem raksatsü.

Iba tatalokba nung KPC aser ANCSU indang office tem nungbo teka mai.

"NSF-i küm aika Naga Club building ya Naga nung senmang ka ama repranga arur aser nisung kari iba ama mapa tamajung inyakba angudang temlung raksar" ta NSF president Kegwayhun Tep-i ashi.

"Iba mapang Naga nunger putiotsü record aika samatsüogo kechiyong record aika kü indang official chamber nung liasü" ta pai ashi.

Tanep 4:00 ako meta pai osang angashi aser pa office tonga aodangbo nisungtem



May 27, 2023 anepdang NSF central office raksatsür aliba noksa nung angur.

oadoker liasü. Shirnoki iba mapa inyak'ar mejangja saka North Police Station Kohima nung FIR ka benokogo ta Tep-i metetdaksü.

Iba tatalokba sülen NSF-i Nagaland sorkar dang Honibar nikongdang 6:00 ako nungi tenzüker ghonda 24 tsüingda iba mapa inyaktertem aputsü atema mapang züngzüksüogo.

Tanü NSF indang extra emergency presidential council meeting ka amenba sülen iba tetuyuba agütsü.

Deobar nikongdang 6:00 ako tashi nung onoki akhangba ama mapa meinyakra onoki kechi junger ta bilemdir inyaksü aser iba nung federating units aser sub-ordinate bodies ajaki yariteptsü ta NSF-i metetdaksüogo.

NSF-isa federating units aser sub-ordinate bodies ajak teyari agia Naga Club building kümzüka ayutsü bangjemshio.

Tanep 3:00 ako meta iba lendong atalok ama onok

angazüker. NSF nungi FIR ka nguogo aser züngsem pungui akümba Special Investigation Team (SIT) kati bushisüingdang tenzüko. SIT ya Additional SP Relo T. Aye lenisüba kübok lir.

Police-i iba tesem nungi nok dena hadir balala ngutetogo aser maneni bushisüingdang südar saka nisung shinga mapu lir, ta police-i ashi.

"Iba mapa inyaktertem tekaratiba nung pua merenshitsu. Naga nung rongnung ibala mapa inyakba angudang temlung raksar" ta Information Public Relation and Soil & Water Conservation Advisor Imkong L Imchen-i ashi.

NSF ki atema obang meputep adokba indang puitotsü tatsüka lemsatepdang "1983 nung forest department-i Naga Club indang ki azüingtettsü aser idangji NSF-i iba ki senmangtsü aser Naga Club indang senmang amangtsü lemtet" ta Advisor Imkong-i ashi.

Taoba Naga Club general secretary Vilavor Liegise den

senden ka amen aser Rs 500 para agütsüba sülen NSF-i iba kidang office amenok, ta paisa ashi.

"Iba ki ya Naga nung aser meyong lir aser Naga kaketshirtem aser Naga nung indang kulikakettem samatsüba atema kanga mepelar" ta NSF President Kegwayhun Tep-ia ashi. Onoki temlung meleme bilemer shinga mali saka investigation officer ajanga temeten bentsür arutsü imlar, ta paisa ashi.

Naga Hoho General Secretary Elu Ndong-ia iba tatalokba aitsü aser pai iba ya 'Anti Naga act' ka lir ta ashi.

Iba inyakyim ajanga matongmala aliba sayur aser Naga putiotsü o Naga nung asoshi lendong keta lir, ta pai ashi.

Iba mapa inyaktertemi Naga nung tamendakdak makogo aser tekaratiba nung pua merenshitsu ta Elu Ndong-isa ashi.

"Kohima nung NSF aser

ANCSU office den dokan kar aliba ki raksatsüba aitsür" ta Chief Minister Neiphiu Rio-i Twitter nung metetdaksü.

"Shia meteta aliba loktiliba ka nung nija aser sorkar kiojentem akhümtsübuttsüla aser nisung ajak yimjung aser putepa alitsü mepishir" ta ta pai ashi.

Deputy Chief Minister Yanthungo Patton-ia iba tatalokba atema shisabulua bilemba metetdaksüogo.

"Shia meteter loktiliba ka nung sorkar aser nija kiojen ajak akhümtsübuttsüla aser tensa raksatsüsa iba mapa inyakba khukhua aitsür" ta paisa ashi.

"Shia meteter aliba loktiliba ka nung iba ama mapa meinyaksüla. NSF indang office mitsü kümtsüba ya nisung ajaki aitsütsüla" ta Deputy Chief Minister T R Zeliang-ia metetdaksü.

Nagaland BJP president aser Tourism & Higher Education Minister Temjen Imna Along-ia aoksaba metetdaksüogo.

"Iba mapa inyaktertem dang Nagaland sensotem ta mejetettsü aser item nisung shia meteter aliba loktiliba den alitsü metemsü" ta pai ashi.

"Iba mapa inyaktertem oziung kübok merenshiba dang masü saka parnok tenungtem den noksatem yimjak nung sayutsüla" ta Imna Along-isa ashi.

Naga Hoho (NH), Kohima Press Club (KPC), Ao Kaketshir Mungdang (AKM), Rengma Students' Union (RSU), Dimapur Naga Students' Union (DNSE) aser Tenyimi Union Dimapur (TUD) teloktemi sangdong balala ajanga Naga Club Building nung NSF office raksatsüba khukhua aitsüba metetdaksüogo.

## NPCC President-i Ajay Maken den senden amen



**Dimapur, May 27, 2023 (TYO):** NPCC President Supongmeren Jamir-i Hokolbarnü Guwahati nung General Secretary AICC Ajay Maken den senden ka menogo.

Senden nung taoba Arunachal Pradesh CM & Arunachal Pradesh Congress Committee President Nabam Tuki aser Assam Pradesh Congress Committee President Bhupen Borah na aden.

Prime Minister Narendra Modi-i aniba sorkar May 30 nü küm 9 abensatsü aliba jakdang Hokolbarnü Congress-i Prime Minister Modi dang tasüingdangba 9 asüingdanga liasü.

Congress-i '9 saal 9 sawaal' ta ser document ka saya aser iba nung rongsenketzüng, ochimashi, China den arrtsü mangatettep, Covid maparen inyakba aser lokti temeten indang tasüingdangbatem lir.

Guwahati nung senden amendang Modi-i aniba BJP sorkari küm 9 tashi tim mesüi ketdangtsü aruba onüktem lemsatep.

Centre sorkari nangzükbater meinyaker aser nübertemi jenjang atuba, mapa manguba khurettem ajuruba den küm 9 nung tashiyim lemtetem ajanga timtema arur, ta senden nungsa lemsatep.

## APO-i Naga Club Building ken o angatetteptsü mepishir

**Dimapur, May 27, 2023 (Agencies):** Kati ka akhümtsübutepba aser olemtep ajanga dang Naga Club ki atema ken o balala angatetteptsü ta Angami Public Organization (APO)-i metetdaksüogo.

"Honibarnep Kohima nung aliba heritage building nung Naga Students Federation (NSF) central office sensamatsüba atema tebilemtsü abener aser iba

ama mapa tamajung ya Naga nung sobaliba nung mali" ta APO-i ashi.

Iba ki ya linük meimba Naga lanurtemi Naga nung asoshi wazüka aser bentshia aru aser iba ama nüngshilung ka raksatsüba ya Naga nung ajak atema takoksa tulu lir ta parnokisa ashi.

'Naga Club ya Naga putiotsü' aser 'NSF ta tanü aser tarutsü lir' anungji telok anaprong ya Naga

nungeri akhümtsübur, ta APO-isa metetdaksü.

"Angami kin atema tematiba telok ka ama onoki Naga nung ajak dang iba mangatettep asoshi telok balalai noktakba angatettsü mepishir. Nisung ajaki tensa raksatsüba masü saka aria bilema Naga nung ajak ajungtsü mechi nung iba ken o angatetteptsü asoshi yariteptsü ayongzüker" ta APO-isa ashi.

## Army Chief General Manoj Pande-i Manipur semdang

**Imphal, May 27, 2023 (Agencies):** Army Chief General Manoj Pande-i May 27 nü Manipur nung law & order tensa asadangtsü atema aruogo.

Eastern Command nung General Officer Commanding-in-Chief (GoC-in-C) Lt Gen Rana Pratap Kalita-i Gen Pande meina aru.

Tanü anüingdang parnok Bir Tikendrajit Imphal International Airport nung arua anezük aser

anogo ananü Manipur nung amongtsü. Tayimtsü anendak nungi parnok Assam Rifles Inspector General (IG), Mantripukhri indang headquarters-i ao.

Kin o kin tsüingda mangatettep adokba tensa asadangtsü atema Gen Pande aser Lt Gen Kalita na aru. Gen Pande-i Manipur Governor, chief minister aser security advisor nung den

ajuruteptsü ta Army ketdangtsür kati ashi.

Gen Pande aser Lt Gen Kalita nati ground commanders aser tanga security forces nungi ketdangtsürtem dena ajuruteptsü.

Gen Pande-i May 28 nü meyipa aotsü saka Lt Gen Kalita-i mapang tatsüka Manipur nung monga May 29 nü Union Home Minister Amit Shah-i semdangtsü aliba atema maparen reprangshimtsü.

# Army-i Manipur nung maneni tensa azüoktsü merangdar



**Dimapur, Monupii/May 27 (TYO):** Manipur nung tawa azütokshi lendong tulu atalokba sülen Army aser Assam Rifles-i, lendong atalokba tesemtem nung meita aoba sentong tali ajungketshir inyak tenzükogo. Meita aoba sentong maneni benoka inyaka Army aser Assam Rifles-i May 27 anepdang nungi tenzüka Kangchuk, Motbung, Saikul,

Pukhao aser Sagolmang tesemtem nung inyaksangshia aliba telungpurtem aputsü asoshi meita oa tenzükogo. Manipur nung tensa azioka yimjung bener arutsütsü asoshi Army aser Assam Rifles-i maneni inyakyim balala benoka inyaksangshia aliba nung iba ya-shilem ka lir. Army Column temi tenem lima meita aoba mapang tawa

tanü adokba technology hadirtem, equipment aser Force Multipliers tem amshidar. Army aser Assam Rifles-i maneni kanga meranga inyakba ajanga Hokolbar aonung Churachandpur & Imphal East District kübok yimtsüing ana nung lendong ataloktsü aliba nokdangogo, ta PRO (Defence), Kohima & Imphal sangdong ka ajanga metetdaksü.

# Entrepreneurs Associates-i aluyimertem atema training ayongzüka katsü



**Kohima, Monupii/May 27 (TYO):** Dharampal Satypal Limited CSR-i teyari agüja Entrepreneurs Associates (tEA)-i, Phek district kübok Porba, Enhulumi aser Thetsumi yimtsüing nung aliba aluyimertem atema training sentong ka ayongzüka katsüogo. 'Livelihood Enhancement through Trees for Wealth Movement', kübok tEA-i Phek aser Kohima district nung Tamarillo süngtong 50,000 dak tema temdar. Iba inyakyim nung aluyimer 500 densema lir aser iba ajanga aluyimertem rongsenketzüng nung kanga ajangzükdaksütsü, kechiyong tEA-i iba project nungi adokdaksüba süngjang ajak parnok sendaktepa aliba lenmang balala ajanga alizüktsü maongka agütsür. Project aser nükjidong

indang metetdaksüba mapang Zonal head, tEA, Phek Zone, Cukhoyi Chiero-i, aluyimertem dang iba süngtong kanga kanga temulung agüja atemtsü ajungshi, kechiyong iba süngtong atemba tajangzüka aika lir, ta pai ashi. Par lokti tenteti aluyimertem nem takokba tashi teyari agütsütsü ta ashiba den pai, süngtong angati agi lemtsüba den tEA-isa parnok intercropping inyakyim nung shilem agidaksütsü atema jenjang agütsü, ta ashi. Tamarillo saplings aser süngtong anepalutsü atema tangazükba agütsüba mapang, Arishinaro Longkumer, M. Tech Soil and Water Conservation Engineering, Professional Associate, tEA-i, tamarillo süngtong tsünütsü, tashidak aser shiruru tilateri nungi kümzüka

toksütsü aser tenem nung tziü aser ali wazüka ayutsü atema tasa kar agüja liasü. Laisa, iba luyim nung tawa amshiba tasa kar metetdaksü aser aluyimertem dang takok tashi inyakyim tasen bushiteta aotsü ajungshi. Iba training sentong nung Lhishezu-u T. Lohe, Community Mobilizer, Tshezokhro Doulo, Field Executive, Thetsumi Baptist Church Deacon Liekhro Venuh aser taoba mapang Porba Baptist Church Head Deacon, Razouveyi Dzudo nungera dena liasü. TFW movement ya tEA indang sentong ka lir, aser iba sentong ajanga süngjang tong atemba ajanga aluyimertem libaliro ajungkettsütsü aser kasa mapang nung tüzümpung nem teyari agütsütsü nükjidong nung tenzükba lir.



**Mokokchung, Monupii/May 27 (TYO):** Queen Mary Higher Secondary School Mokokchung nung 2023 kum Nagaland Board of School Education (NBSE), ajanga agiba High School Leaving Certificate (HSSLC) Higher Secondary School Leaving Certificate Examination (HSSLC) tatidang nung takok angurtem nem tetushi agütsüba sentong ka May 27 nü Additional Deputy Commissioner Wb. Chumlamu Humtsoe jaoka kaogo. Iba sentong nung takok angurtem Principal, Alumni aser takok tajung angurtem külemi tangokba noksa nungji angur.

# NITI nungi topper tem nem tetushi agütsü

**Dimapur, Monupii/May 27 (TYO):** Nationalist Institute of Technology & Innovation (NITI)-i, Honibarnü Nagaland Board Exams 2023 nung institution nungi topper tem nem tetushi agütsüba sentong ka ayongzüka agiogo. Iba sentong ya Marwari Patti, Dimapur nung amenoka aliba institution centre nung agia liasü.

NITI nungi Sanjana Kesari-i HSSLC nung 97.6% marks angu aser Roshni Gupta (4th Rank- 98.17%), Supriya Saha (5th Rank-98%) aser Shreyansh Chowdhury (97.83%) nung NBSE kübok HSLC Topper tem liasü. parnok ajak tang NITI Dimapur Center nung Diploma in Computer Applications (DCA) tagidak lir.

Temaba jenjang nung takok angurtem ajaki parnoki takok tajung ngutetba ya tesayur aser tsürapurtemi ajungshiba aser nongita yariba ajanga lir ta ashi. Alakteta jaoker ama sentong nung o jembiba mapang Ajay Sethi, Founder & Managing Director, Lord's Infotech Management Pvt. Ltd.-i Board Toppers aser 80% marks tema anguba kaketshirtem nem

tenüingsang agüja liasü. Artificial Intelligence ajanga good governance dak sendakba nung tebilemdangba tajung ka atema senpet sen crore 8.26 agütsütsü tawa sangdongba dak sendakba nung Sethi-i NITI nung azüngertem dang pei career tejakdangi bener aotsü asoshi iba amala tajangzüka aser scheme tem agütsü atema update süa alitsü ajungshi.

Kasa mapang nung Class X Board Exams nung 75% marks nguteba atema Kinavi Sumi nema tetushi agüja liasü. Maneni topper aser 90% & 80% tema anguba kaketshirtem nem parnok indang course fee 50%, 25% & 15% meyipa agütsütsü aser iba den kuli kaketa agütsüogo. Sentong nungsa Center tekolakba Rishav Sethi-i, NITI kaketshirtem dang asüing tetsükdaksü balalatem koktettsü aser melenshia ainba lima ka nung tangar memenebpa nisung ka masütsü atema techonoligy dak sendakba nung shisatsütem update süa alitsü ajungshi. Iba sentong ya Sneha Jain lenisüba nung agi aser Zhimotoli Zhimo-i tepela o jembiba liasü.

# Advisor Moatoshi election nung adokba asoshi tenungsang agütsüba sentong agi

**Mokokchung, Monupii/May 27 (TYO):** May 26 nü Advisor for Labour & Employment, Skill Development & Entrepreneurship, & Excise Department Moatoshi Longkumer 14th Nagaland Legislative Assembly Election nung takok anguba asoshi Tsüngrem nem aser nüburttem nem tenungsang agtsüba sentong pa tasoyim Longpha yimtak kaogo.

Sentong nung Advisor Moatoshi-i jembidang election nung takok ngutetba asoshi Tsüngrem nem tenungsang agütsür aser Naga nungger ajaki sarasadem agi yariba iba den taso yimkong Longpha sensosanger ajaki yariba asoshi tepelaba metedaksü.

Aluyimbaren balala aser teka mapa balala inyakba ajanga tajangzüka nguteta takum jenjang aser kibong yaritettsü asoshi Longpha yimtak mapatong ka tenzüktsü sentong lir, anungji nüburttemi meranga inyaksülata Advisor-isa ashi.

Advisor-isa Longleng District semdanga yangji Covid 19 Pandemic aliba ajanga merenemtetu aliba ITI building teyangludak repringa ibaji tekaratiba nung tembangtsü sentong renemogo.

Sentong nungsa Longpa Putu, Longpa Baptist Arogo, Longpa Union Mokokchung aser Longpa Union Dimapur nungia shilem agia o tatsütsü jembia.

Moatoshi Longkumer represents Dimapur II A/C and



the first MLA from Longpa. He contested in the 12th Nagaland Legislative Assembly Election 2013 from 30 Alongtaki A/C but was defeated and later contested from Dimapur II A/C in NPF ticket in the 13th Nagaland Legislative Assembly Election 2018 and got elected. He was again re-elected from the same assembly constituency in 2023 on NDPP ticket.

Moatoshi Longkumer Dimapur II A/C nungi lir pa ya 2013 kum mezüngbuba 30 Alongtaki A/C nung contest asü saka madok iba sülen 2018 kum NPF ticket nung Dimapur II A/C nungi contest süa adok aser 2023 kum NDPP ticket amer Dimapur II A/C nungi toktebpa adok tang Advisor for Labour & Employment, Skill Development & Entrepreneurship, & Excise Department teinyakdak lir.



May 27, 2023 nü Raj Bhavan, Bengaluru nung Karnataka Angh, Thaawarchand Gehlot-i ketdangsua cabinet minister tem tenangzükba agidaktsüdang tangokba noksa nung angur. Kasa noksa nung Karnataka Chief Minister Siddaramaiah-a (mener alisang) angur.

## Karnataka nung Congress sorkari nangzükba ama inyaktsüla: BJP

**Mangaluru, May 27 (Agencies):** Karnataka nung Congress sorkari nüburtedang nangzükba onük pongu mapa küma inyaktsüla, yamaji meinyakra BJP-i state tesem ajaklen longkak aittsü, ta Honibarnü Karnataka BJP Tir, Nalin Kumar Kateel-i metetdaksü.

Mangaluru nung osangbenertem den jembidang Kateel-i, Congress-i nangzükba onük ponguji ita ka tsüngdasa mapa küma meinyakra state tesem ajaklen longkak aittsü, ta metetdaksü.

Pai ashiba agi, nüburtedang electric light atsükba bill agütsütsü memelungba agi sorkar ketdangsertem kanga timtemdar.

Dakshina Kannada nungi MP, Kateel-isa, tang sorkar tasenbai mangyangba politics

asayar aser BJP MLA tem den party nung inyakerterem anema ken o benoker, ta ashi.

MLA, Harish Poonja aser MLA, C N Ashwath Narayan na anema ken o benokogo, ta pai ashi.

BJP state Tirisa Congress dang, taoba mapang BJP sorkari benokba ken otem bushisüngdangtsüla, ta jazük.

Congress lenir kari RSS nokdangtsü, ta jembiba dak sendakba nung Kateel-i, taoba mapang Ato kilonsertem-Jawaharlal Nehru, Indira Gandhi aser Narasimha Rao nungeria RSS nokdangtsü merandangogo saka court obendang ajanga menokdangtet, ta ashi.

Paisa, BJP sorkar mapang nung party nung inyaker asür, Praveen Nettaru kinüngtsü dang temeim sayua contract

basis nung mapa nung shimoka liasü, ajisüaka tang Congress sorkari la mapa nungi anentsüogo, ta ashi.

Iba dak sendakba nung Kateel-i chief minister dang nenoki la dang temeim sayua la mapa nung aniokang, ta mepishi.

BJP-i ayongzükba osangbenertem senden nungji Kateel den Dakshina Kannada district nungi BJP MLA tem-Vedavyas Kamath, Bharath Shetty, Harish Poonja, Umanath Kotian aser Rajesh Naik nungera liasü.

Ano tanga osang ka nung, Honibarnü Karnataka nung MLA 24-i minister tenangzükba agiogo. May 20 nü Chief Minister Siddaramaiah aser Deputy chief minister DK Shivakumar na den MLA 8-i minister tenangzükba agia liasü.

## PM Modi densema lenirtemi Jawaharlal Nehru nem akhüm agütsü

**New Delhi, Monupii/May 27 (Agencies):** India nung mezüngbuba Ato kilonser, Jawaharlal Nehru sür küm 59 ajungba anogomong (May 27) nung Ato kilonser Narendra Modi densema yimtenren lenirtem aikati asür nem akhüm agütsüogo.

Congress lenir, Rahul Gandhi, Congress Tir Mallikarjun Kharge aser Congress General Secretary KC Venugopal nungeria Shanti Van nung taoba mapang Ato kilonser nem akhüm agütsü.

Modi-i twitter ajanga, "Pa asüba anogomong nung ni asen mezüng Ato kilonser Pandit Jawaharlal Nehru nem akhüm agütsür. India nung nuchiso bushidang Jawaharlal Nehru-i tongtibang shilem agia liasü. 1947 küm linük nuchiso anguba sülen India nung mezüngbuba Ato kilonserji pa aküm," ta lemsatop.

India nung nuchiso bushiba mapang nung Jawaharlal Nehru-i tongtibang shilem agia liasü. British nung yimsüsüba nungi nuchiso angutsü atema pai British nung anema rara aser

Indian National Congress (INC) nunga tongti lenirtem rongnung pa densema liasü.

Pa 1947 küm nungi pa arrshi küm 74 asüdang süadokba küm (1964) tashi pa Ato kilonser inyaka liasü.

India nung Non-Aligned Movement (NAM) ya pai tenzük. Pai tanurtem kanga meim aser tanurtemi pa dang 'Chacha Nehru' ta jaa liasü.

Nehru ya November 14 anogo nung aso aser küm shia India nung iba anogomong nung Children's Day amonger.



May 27, 2023 nü New Delhi nung NITI Aayog Governing Council senden nung Madhya Pradesh Chief Minister Shivraj Singh Chouhan aser Jharkhand Chief Minister Hemant Soren na adendang tangokba noksa nung angur.

## Office of the Jangpetkong Tetsür Telongjem TENÜNGSANG AGÜTSÜR

Jangpetkong Tetsür Telongjem ajanga **Kr. Imkongnükla** (Yimjenkimong) D/o Wb. Nokzenketba aser Wt. Moasangla tena jala, lai UPSC Civil Service Examination nung takok tajung anguba asoshi kanga pelar aser la nem tenüngsang tulu agütsür.

Maneni ano HSLC/HSSLC tatidangtem nung shirnokisa takok ajangzüketogo, nenok ajak nem tenüngsang agütsür.

Nenok mapa tajung aser meranga inyakba ajanga tarutsü lanu putu asoshi Tsüngremi nenok wadang nung ano tali moajangma.

Sd/-  
**Chubalemla**  
President

Sd/-  
**Atula**  
Secretary

## Parliament building tasenba nüngtem nung sen 75 coin adoktsü

**New Delhi, May 27 (Agencies):** Centre sorkari, Parliament building tasenba semzükba nüngtem nung senpak 75 jandi adoktsü, ta metetdaksü.

Finance Ministry-i, "Senpak 75 jandiji rule 'Coinage (Issue Of Commemorative Coin on the occasion of Inauguration of New Parliament Building) Rules, 2023 kübok adoktsü," ta metetdaksü.

Sen 75 jandi telonglong tasazükji 44 mm asütsü aser tajentu 200 alitsü. Jandiji shilem 50 silver asütsü, shilem 40 copper, shilem 5 nickel aser shilem 5 zinc asütsü.

"Jandi tejaklen tiyongtsü nung Lion Capitol of Ashika Pillar alitsü aser tsünglanglen

Hindi oshi nung 'Satyamev Jayate' ta zülua alitsü, abelen tsütsü Devnagri oshi nung 'Bharat' zülua alitsü aser ajichilen English oshi nung 'India' zülua alitsü. Senpak 75 jandi nungjisa Rupee temaitsü alitsü aser Lion Capitol tsünglanglen 75 zülua alitsü," ta Finance Ministry-i metetdaksü.

"Jandi tesülenji Parliament Complex noksa alitsü. Azüklen Devnagri oshi nung 'Sansad Snakul' zülua alitsü aser tsünglanglenji English oshi nung 'Parliament Complex' zülua alitsü. Parliament Complex noksa tsünglanglenji 2023 zülua alitsü. Jandi ka touzükji gram 35 asütsü," ta Finance Ministry-isa metetdaksü.

## Opposition-i yimsüsüba state 8 nungi CM temi Niti Aayog senden nung maden

**New Delhi, May 27 (Agencies):** Honibarnü Ato kilonser, Narendra Modi mendenbuba ser agiba Niti Aayog senden nung opposition-i yimsüsüba state 8 nungi Chief Minister tem maden.

Niti Aayog senden omenji 'Viksit Bharat @2047: Role of Team India' liasü aser iba senden ya New Delhi nung Pragati Maidan nung aliba Convention Centre tasenba nung amen.

NITI Aayog chairman ka ama Ato kilonser Modi leniba nung senden agi.

Iba sentong nung tongti onüktemji health, skill development, women empowerment aser infrastructure terenlok dak sendakba onüktem liasü.

Iba senden nung adener Chief Minister temji Assam CM Himanta Biswa Sarma, Madhya Pradesh CM Shivraj Singh Chouhan, Chhattisgarh CM Bhupesh Baghel, Arunachal CM Pema Khandu, Andhra Pradesh CM YS Jagan Reddy, Himachal Pradesh CM Sukhvinder Singh Sukhu, Jharkhand CM Hemant Soren nung liasü.

Kasa sennden nung Rajnath Singh, Smriti Irani aser Amit Shah nung densema Union Minister tem kar aden, ta ketdangsertem metetdaksü.

Niti Aayog senden nung jembiba onüktemji (i) Viksit Bharat@2047, (ii) MSMEs, (iii) Infrastructure & Investments,

(iv) Minimising Compliances, (v) Women Empowerment, (vi) Health & Nutrition, (vii) Skill Development aser (viii) Gati Shakti liasü.

Niti Aayog senden nungjisa States aser Union Territories nungi chief ministers/Lt Governors aden aser ex-officio züngsemtem ama union minister tem aser NITI Aayog nung Vice Chairman aser züngsemtemaden.

NITI Aayog senden nung madener chief minister temji Kerala Chief Minister Pinarayi Vijayan, Rajasthan Chief Minister Ashok Gehlot, Delhi CM Arvind Kejriwal, Punjab CM Bhagwant Mann, Telangana CM K Chandrashekhara Rao, West Bengal CM Mamata Banerjee, Bihar CM Nitish Kumar aser Tamil Nadu Chief Minister MK Stalin nung liasü.

Rajasthan Chief Minister, Gehlot-i pa temang majungba agi senden nung maden ta metetdaksü, Kerala Chief Minister Vijayan-ibo pa senden nung medentetba atema kuli kecha mashi aser Bihar Chief Minister Nitish Kumar-i Parliament building tasen asütsü menüngdaki liasü ta Centre aija senden nung maden.

Delhi Chief Minister Arvind Kejriwal-i cooperative federalism ya asayamenü ka lir ta Centre sorkar aija senden nung maden aser Tamil Nadu Chief Minister MK Stalin bo Japan-i oa aliba agi iba senden nung medentet.



# TIR YIMYIM

## YIMOBILEM (EDITORIAL)

DIMAPUR AMUNGNÜ, MONUPII (MAY) 28, 2023

### Tsüngrem sentsüwangshi

**T**süngrem kong dena lidir, yangji Pa sentsüwangshi lir. Aji oda, Tsüngrem sentsüwangshibajibo meteteteter aser tereprang nunga reprangtetter. Ajisüaka, Tsüngrem sentsüwangshiji asen aginüba agi mesüra asen mulungba nung amshitsü asoshi marur. Kodang asen taküm, kibong aser lokti nung Tsüngrem sentsüwangshidaktsüdir, yangji asen inyaknüsü meinyaktetter, kechiyong yangji Tsüngrem tashih lir aser iba tashih jagiang asenok anishitsü. Aji oda, Tsüngrem sentsüwangshiji ulura asünungji, iba sentsüwangshi tsüngdang asenok inyaknüsü inyaksübaji asen alima shi agi makoktsü. Solomon chubai Yirusalem nung tenla ki renemer külen, iba kidangji Tsüngrem sentsüwangshi adentsüba taginüba aser teyongyabaji tulu liasü. Iba tenlaki yangludang pa kanga belemogo südi, kechiyong Kibuba asoshi tenla ki yanglutsübaji pa tejangraba aser temulungtetba tulu liasü. Ajisüaka, pai yangluba topur tajung tenla ki tulu nungji Tsüngrem aruagi sentsüwangshia alitsü asü malitsüar, Solomonia mejangjateti liasü. Ibayongji, Solomoni iba tenla ki yanglu tenzükba anogo nungi tatem tashi pai pasasa meshiteta ali aser yamaji par nübortema renemdaktsü. Aji oda, laya kongki amshia Levitemi ken aten aser putirtemi jangzü apu, idangji Kibuba sentsüwangshi mepet nung aru aser iba sentsüwangshi jagi tenla kiji asüng ta 2 Putipuyang 5 nung shia angutsü. Ibai tesümgangtsü, tetsübutsü aser jangratemtsüka liasü. Aji oda, Solomoni Tsüngrem külemdak temeshi tenlaki yangluba meshitetba sentongji kanga temeshi aser tuluka liasü. Iba anogo nung Solomon chuba aser pa den adenshia alir Israel nungertemi Tsüngrem nem tenla agütsüba san aser nashi tenla jenti agüja tepsetbaji mezüngdangteti liasü. Aji oda, yamaji rongsen aser nübo jenti endoka tenla ki yanglur külenang ano, ki renemer meshitetba anogo nung tenlaba tenlajiang tuluba liasü. Solomoni Kibuba asoshi tenla ki yangluba mapa nung kecha tapayu aser tekoru mali inyak aser meshiteta dang liasü. Aji oda, tenla paikaji agütsür külen, Solomoni Tsüngrem dang sarasademba mapang, pai Tsüngrem dang pai yangluba tenla ki tilaka nungji, Pa arua liang aser iba tenla kidang nübortemi kodangsa sarasademdir, nai langzüang aser nübortem dang taidokang ta mepishi. Aji oda, kodang Solomon sarasademba atem, idangji anüng nungi mi alua tarongba tenla aser tetepsetba tenlatemji meyakadok, aser idangjisa Kibuba sentsüwangshi agi tenla kij sünga adok ta 2 Putipuyang 7 nung shia angutsü. Iba Laishiba nung ashiba tatalokba den asenok taküm aser asenok tenlaki medemdang dang, asenok tenla kidanga tenla sen saruzükli mesüra putiri sarasademzükli, yangji asenok ajaki meteteteter Tsüngrem sentsüwangshi aru nungbo koda jangratema süla ta bilemasa aiter. Aji oda, Tsüngrem sentsüwangshiji onsara tulu asünungji, putirtema süng tenla ki telongi meitet aser iba Tsüngrem sentsüwangshiji angur ajak tejak mechioka alu. Aji oda, Tsüngrem sentsüwangshi adenba temaitsüji tulu, anungji kodang Tsüngrem sentsüwangshi agi asenok alidak süngdir, asen akhi mapa meinyaktetsü. Iba kasaji asen lima nung küm 39 jakdang revival aruba mapang aikati ajangshir alitsü. Aji oda, Solomon chuba mapang nung pai yangluba tenla kidang Tsüngrem sentsüwangshi agi asüngba otsü asenoki azünger. Ajisüaka, tanübo Tsüngrem tenla kiji asenok teka agi sentsüpranga yangluba kiji masü saka asenok taküm ya dang Tsüngrem alidak tenla ki lir ta 1 Korint 3:16 nung ashir. Aji oda, akhidang Solomoni Tsüngrem tenla ki yangludang tenlaba ama aser pai yangluba tenla kidang Tsüngrem sentsüwangshi adentsü atema pasasa pa taküm renemba ama, asenoka asen taküm renemtsüla. 1 Korint 3 nung ashiba amaji, asen taküm ya Tsüngrem tenla ki süra, kodaser asenoki iba tenla kiji ochimashiba agi mesüra taküm yimya mazüokba agi menendaktsütsü. Laishibai ashir, aseni asen temang aser taküm raksabaji asen temang raksar masü saka Tsüngrem tenla ki raksatsür, anungji nisung kari Tsüngrem tenlakiji, aji nü mang, raksara, Tsüngremia pa raksatsütsü !

# OLEMSABANG

TIR YIMYIM ADOK 04 MAY 2023 'BENJONG MONG TEMELENSHI'  
INDANG YIMOZÜLURI ZÜLUBA YIMOBILEM ATEMA SASAR

- Temsu Jamir (Landmark Colony Dimapur)

Benjongmong temelenshi Tetenzük nung Tsürapur kari ashiba agibo aki mapang otsüla oboula nungertem moatsü amongba ya tepela benjongbo tulu saka anempong aser tashibang kecha mali among. Anungji aiür asangurtem dang masü saka kijungpurtema shi nung mezupelanga japujariba benjong ama to ka liasü ta zülua alibaji, Asen Tsürapuri inyaka aruba aser parnok melongsentsü tajung den meputepi angu nung ni ngua aser angazüka aliba kar tatsü agi lemsateper. Tanga amongtsümong aser tekülemba mapa aika tejen lai Levi kaküt nung süki yanglua tarungba tenla agütsüba den putepa lir, saka iba ya Moatsü mong sendakba asü nung Moatsü mong inyakyim nungi dang lemsateper.

Asen tsürabur zülu maliba den tesayur maliba ajanga amongtsümong ajak nungji temenen Tsüngrem dang külema aruaka, parnok temulungjangbo temerük aser tashibang anempong agi dang sünga aill ta asenoki metetter, ano Moatsüjia temeshi mong ta ashitsü akok. Moatsümong ya Aphubo yanglua mekülemer saka Arju shia Ak achir, aser iba Ak ya tetsür mashisa alir mesüra taküm nung ashishi keta alir kidang metsütetba Akbo malir, kechiaser parnokji memeshi. Anungji ashishi kecha maketer kibong-i metsütetba Ak dang alia achir, aser arujununger tambur rongnung shibai Ak atener pajia lanuwa nungi ashishi maket tastüngtet tambur kati dang aten. Iba Ak achiba shiji Arju shia nungi temelang 12 na bendener Arju nungeri yimdak tampur (Pater) or (Putir) nem agütsür, aser iba dangji Pater matem ta ajar. Iba pater matem shiji pamoki temulung nung kanga dang temeshi oset ka amai belima bendener taoba küm Moatsü ser tang iba Moatsü tashi nung, tetezü küm ka tsungta nung yimdak Kijunglur kibong kwika par kidangi shinga marur aser para moteter, tangar den mejimpeteter, ta küm ka tepiyung rongjina alir kibong shia dangi patennatem shiji agüja o tajung shia ki maka iba ashibang ki ji tanü nungibo kecha ashibang mali, Alima yimya joko tembar tasen bushiang ta shia laboktsür aser panü nungi parnoka tangar ama satema senzüa liasü. Iba pater matem agütsüdangji nia dena inyaka aruba belimteter. Takaria tsüktem dang süaka iba Moatsü nung achitsü atema par jin lapoka sensaker nem tstük agütsür.

Asenoki asen Tsürabur benjongpenji aser amongtsümong nung yi tali amshiba indang jembir, saka ibai lipok nungi sobaliba nung küter aruba, aser parnok benjongpenji aser mapa balala inyakdang nisunger shi nung tashi ita aser mapa takok angutsü atema amshi, aser temeshi mapa ka ama parnok atema liasü, kechaser pamok tekülemba aser benjongpenji nung yi medeni inyakba kecha mapa mali, aser parnok mapang nung yi agi chimseta asüba otsü kechamangashi.

Ano benjongpenji nungya supotsü supoba ya kanga dang meraketa ashibanga amshia aruba mapa ka lir, kechiaser pe pei aginüba supotsüba masü pa dak koba supotsü agitsü langa lir nüpuri pa dak alang agütsüba supotsü dang agia liasü. Taleptatsüngerai pai alanzuka akaba supotsü tang agi, aser Takarsa asuyunga Mepulir tashi inyaker nem dang supotsü agutsü. Yamaji pentetpenteta supor yimer ajak yartsüngsang dang parnok taleptatsünger aser takar ishika dena tsüngsang dang nüpurtemi kanga dang mera küta aser nükshia repringba ni angu.

Tetsürtema jungle mongsen supotsü balala pentetpenteta agir asaya balala den ken tentepa-a liasü. Tanü asen putu nung shiba kecha supotsü mali, pa-a yimer ajak dang meshidena kecha ashibang mekai pasa teimba supor yartsüngsanger, saka tanü asüngbo tetsürtemi-a kecha jungle mongsen supotsü merasai dang agiba angur.

Asen tsürabur mapang nunga karbo teseplepper kecha ashipang makar mezupelanga japujaria dang amonger-a lir asütsü akok, saka Asen Sobaliba aser amongteümong zülurtemi, asen Tsürapur nükjidong aser parnok teimla temulungjang tasüngtet parnok sasa-a azüokba shisatsü tajung pushiteta züludaktsüner. Saka tanü tsürapur kar teseplepper ashibang kecha makar mezüplanga alir otsü kari ashiba dak rangluker asen Tsürapur sobaliba temeshi aser ashipanga aruba otsü tamajunglen meyipar yim yim ayima zülutep nungbo asen tarutsü lanu putu nungbo parnok sobaliba makatsü süti ta ni ngua aruba den metemdanga lemsateper.

**Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir**

### Zeme Baptist Arogoi amtsük yangluba indang workshop ayonga agi



May 27, 2023 nü Zeme Baptist Arogo nung Women Department-i ayongzükba workshop nung adenertem aser shisalen sayurtem külemi tangokba noksa nung angur.

**Kohima, May 27 (TYO):** May 27, 2023 nü Kohima nung Zeme Baptist Church Kohima Women Department-i amtsük yanglutsü sayuba workshop ka ayongzükba agiogo.

Tetsürtem nem rongsenkettzüng tsütsü tashi agütsütsü nükjidong nung anogo piyong workshop ji "Digging Deep into God's Gift of Creativity" omen nung ajemdaker agi.

Amtsük yanglutsü atema

tetsürtem ajungmesotsü aser ibaji ajanga Tsüngrem sentsüwangshidaktsütsü atema iba sentong ayongzük, ta lenirtemi metetdaksü.

Kr. Akule-i amtsük yangluba dak sendakba ajak rasaa ashi aser practical session nung la densema tesayurtemi cake tapu balala- butter cake, banana cake, éclairs cream aser burger buns yangluba sayua liasü.

Iba workshop nung nisung 34 aden.

Shisalen sayurtemji Dr. Asangla Jamir, Kr. Akule Ilunglung aser Kr. Heugwalie nunger liasü.

Iba sentong ya Kr. Chiro Liegise leniba nung agi aser Pastor ZBC Kohima, Rev. Iringtie Kauring-i temoatsü meshia sarasadema liasü.

Zeme Baptist Church Women Department Chairperson, Kr. Angaule Nsarangbe-i tepela anküp o jembia iba sentong tembang.

### WCC-i Russia-Ukraine tsüngda yimjung ken o jembitsü atema inyaker

**Monupii/May 27, 2023:** World Council of Churches (WCC)-i Russia aser Ukraine naprongla nungi Arogo lenirtem senden ka ayongzükogo aser Vatican-ia linük ana tsüngda yimjung mapa inyaksü ta sangdongogo.

WCC general secretary, Rev. Professor Jerry Pillay-i, linük ana nungi Arogo lenirtem longjemmer jembiba ajanga teimla agütsür, ta ashi.

Mongolbarnü Pillay-i, "Iba ya tanela aser yimsü dak sendakba dang masü saka yimtenren tsütsülen nungia inyakba lir. Tejashitsü kaji- Arogotemi osangtajung proktsü jangraba dang nungibo linük dak sendakba tebilemstsü onüktem atema inyaksü ang tejangraba," ta ashi.

"Ajisüaka Arogotemi obang ka ser longjemra menüngdakba rara anentsü atema asenoki sorkar ketdangsertem den jembitetsü," ta pai ashi.

Taoba hopta Pillay-i Ukraine yimtiba, Kyiv aser Russia yimtiba, Moscow naprongla semdangba sülen WCC indang website nung interview ka agiba agüja lir.

Professor Pillay-i, Ukraine aser Russia nung aliba Arogotemi t a t e m b a n g b u b a telemtetba ka agia telatetbatem ajak

melunga bangjemra October ita tashi nungbo senden mentetsü, ta ashi.

"Social media nung nisung karibo tebilemstsü akaba lemsatepogo aser onoki Patriarch Kirill (Russia Orthodox Arogo tongti) den külemi noksa tangokba atema aitsüogo," ta pai ashi.

"Ajisüaka Russian Orthodox Arogo ya-a WCC nung züngsem ka lir, anungji parnok semdangtsü aser parnok tangatetba angadangtsü aser parnok tangatetba anema jembitsü atema onok dak temeden lir. Aitsürtemi jembiba angatsü atema onok mapang mali. Onoki shilem agia inyaksüla," ta pai metetdaksü.

UK densema G7 züngsem linüktem tawa Hiroshima nung senden amenba mapang nung maneni Russia anema inyaksü sangdongba sülen WCC-i Russia aser Ukraine tsüngda yimjung ken o jembitsü atema ketdangsüa inyaksü sangdonger.

Mongolbarnü Russia sepaitemi Belgorod region nung arrtsülen mita aoba ajanga ano rara tamajungba kümogo.

Ano külen Vatican-ia sangdong ka ajanga, Pope Francis-i Italian Bishops' Conference Tir, Matteo Zuppi dang Ukraine nung yimjung atema ketdangsüa inyaksü asüngdangogo,

ta metetdaksü.

Taoba hopta Reykjavik nung Council of Europe senden nung jembidang Vatican Secretary of State, Cardinal Pietro Parolin-i, yimjung yanglutsü atema Vatican-i pei teinyaktsü shilem inyaksü, ta metetdakja liasü.

Professor Pillay-i, Roman Catholics densema Arogotem ajaki yimjung atema inyaksü asoshi WCC-i külem sabang ka agütsütetsü imlar, ta metetdaksü.

Professor Pillay-i, "Ni Patriarch Kirill dang, WCC-i yimtenren nung ajemokner masü saka yimjung atema iba ya (yimtenren) nungdak ta shiogo," ta metetdaksü.

Taoba hopta Russia nung Arogo lenir katia, Professor Pillay-i Patriarch Kirill dang "atangji nung chichiba tamangertemi yimjung atema inyaksüla ta shiogo" ta metetdaksü.

Ano tanga osang ka nung, Russia Tir Vladimir Putin-i linük meyong Tretyakov Gallery Arts Museum dang akhidang painter, Andrei Rublyov-i yangluba Trinity Icon, Russia Orthodox Arogo nem agüjang ta tetuyuba agütsüogo.

Tamangertemi aiben mepishiba nung ajemdaker Trinity Icon ya Russia Orthodox Arogo nem agütsütsü telemtetba agi, ta taoba hopta Arogoi metetdaksü.

### ANO GO ABEN TSÜNGREM DEN

#### KULI SÜANG

*"Saka temeshiba asoshi nenok timatemtsü lira nenok tepelatsü! Nisungtem tetsübuma, aser nenok shisa tebuluma"*

*-I Peter 3:14*

David McCasland kenü Mozü ki nung temang reprangtsü asoshi ata-a alidang pai jara nungji Yisu kangki nung angenlokba noksa ka angu. Pa temang repranger külen nurse ka aru aser lai nungdak aika asüngdang tesü kanga dang tasü ita pa dang ashi, 'na tanela tsütsü terataba kar lira ozü chaplain den ajurua jembiang. Iba ya angashidang pai kanga dang pela-a bilem aser ashi, tanü tensa tanela indang aika mangur. Idangji menürema nurse jagi langzü, ozü hospital ya tamang agi lapokba mozüki aser tanela nung yvaritsüji 'ozü tenyaba mapa'. Tamangba jenti meyoktepbba aliba mapang ka nung parnoki parnok tamang indang tasü ita khuli asü.

Mezüng putu tamangertem rishikangshi ajanga jenti timtema senshia ao aser tepuoker küma ali, par mapang pei tamangbaren nung tasü ita, tashi agi ameter marakzüi nokdak "Saka Khrista Kibuba ta nenok mulung nung meshiteta yuang aser nenok temulung nung aliba teimla indang nisung shibai asüngdang, pa dang nenok pei meten langzüksü teti renema liang..." (1 Peter 3: 15).

#### Sarasadem:

Tasi ita kuli sütettsi ni yariang. Amen

### Uttar Pradesh nung pastor 12 den Khristan 9 jail nungi chiokogo

**May 26, 2023:** Uttar atanger," ta Pradesh state nung metetdaksü.

anti-conversion ozüing "Ano maneni pastor alema aibelenogo, ta aser tamangertem 21 tai tonglokja tepuokdak chioktsü atema onoki puoka aliba pastor 12 inyaksü. Aibelen masü den Khristan 9 ser nung parnok jail chiokogo. balala nung timtemda," ta paisa ashi.

Uttar Pradesh state nung Khristantem "Linük temzüng atema ken o jembitsür ajangabo tamangba Dinanath Jaiswal-i, yimsü mashie "Iba ya onok atema amangtsü atema ajak takok tuluka lir," ta ashi.

Pastor Vijay Masih aser pastor Ajay Samuel nata tan hopta Allahabad High Court yimsü dangi nungi chiok. Uttar Pradesh Prohibition of Unlawful Conversion of Religion Act, 2021 Uttar Pradesh nung ozüing alema inyak, ta tai tongloktsüba sülen ita 6 dak tali tepuokdak liasü.

Tang Uttar Pradesh kübok district 12 nung pastor 33 jail balala nung puoka lir.

May 26 nü conversion ozüing osangbenertem den benoka lir, ajisüaka jembidang Jaiswal-i, tamangba yimsü "Asen adianu 12 jail meyipdaktsüba atema nungi chiokba atema court nung shinga aija pelar aser nüma mali.

**AO OSHI ANGAZÜKDAK:  
TANÜ ANGAZÜKTSÜBA OJANG**



**Raksa**

(v) mejungi kümdaktsü (destroy, spoil)

\* Yipru agi kiojen ajak **raksa**.

**Raktep**

(v) rakzüktsü merang (trying to snatch)

\* Tanurtemi ball **raktepa** asayar.

**OLONG PAITEP # 6528**

1				2				3		4
5		6								
							7			
8										
										9
		10				11				
				12				13		
14										
						15				
16										

**TIPIEN**

- 2. Auo nung chiyongsü asenba
- 5. Mangyimba mapang
- 7. O tamendakdak
- 8. Pei dak malangba
- 10. Juli
- 12. Sen ayudak
- 14. Tenük agi ajilet
- 15. Tamajung aküm
- 16. Apuso

**LANGTSÜNGLEN**

- 1. Lenmang
- 2. Aor kidong ka tenüung
- 3. Tenarong maten
- 4. A \_ \_ \_ g
- 6. Mopung apodoka
- 9. Tongtipang tagitsü
- 10. Menungra bilem
- 11. Aiür
- 13. S \_ \_ \_ k
- 14. T \_ \_ \_ r

**OLONG PAITEP # 6527 TELANGZÜBA**

**TIPIEN :**

- 2. Tatidang, 6. Angatet, 9. Aket,
- 11. Teimsür, 13. Rara, 14. Mepishi,
- 17. Mangdang.

**LANGTSÜNGLEN :**

- 1. Ente, 3. Tapet, 4. Ain, 5. Taküm,
- 7. Asür, 8. Tarak, 10. Teki,
- 12. Raksa, 15. Ents, 16. Hon.



**NAGALAND DEPARTMENT KA NUNG GOVT. QUARTER  
TEM NUNG RONG ATEPTSÜ(PAINTING) ATEMA  
QUOTATION BENDENBA YAMAI ARU :**

Mian nungba = 3 crores.

Bihari nungba = 7 crores.

Naga nungba = 10 crores.

**Tulur** : Nenok aseme quotation agütsüogo, kechi koma inyaksü plan lir kati khen kati khen rasaa shiangjong.

**Mian nungba** : Sir, kü planji ya ati- crore 1 rong (paint) alitsü, crore 1 labour taa, aser crore 1ji tajangzük ta ati.

**Bihari nungba** : Sir, yamai ati- crore 3 paint alitsü, crore 2 labour aser crore 2 ji profit ta pilema lir.

**Naga nungba** : Sir crore 4 na atema, crore 3 ni atema aser crore 3 jagi Mian nungba nem inyadaktüsü ta pilemer ati.

**Tulur** : Excellent, contract ji na nguogo.

~ Lilir : WhatsApp

Tanur asoba anogo nung salem osang den noksa angati adokdaktünüra - Tenüung, Küm, School, Talidak & salem osang tejangja zülur, noksa (photograph - any size) ka den anogo 3 mesüra 4 jelia e-mail : tiryimyim@gmail.com nung yokang mesüra Tir Yimyim bureau tem nung agüjang.

**Meghalaya nung  
African Swine Fever  
ajanga ak 117 asü**



**Shillong, May 27, 2023**  
**(Agencies):** Meghalaya nung African Swine Fever (ASF) ajanga ak 117 süogo ta Veterinary and Animal Husbandry Department ketdangsür kati ashi.

West Garo Hills district kübok Dalu nung aliba government farm nung ak 50 shi aser ano East Khasi Hills district kübok Pynursla nung aliba government farm nung ak 5 asü ta ketdangsüri ashi.

"District 4 kübok yimtsüung 11 nung ak 117 süogo. Aktem ya taoba ita asü aser ASF putetogo" ta Veterinary and Animal Husbandry Department Secretary Dr Manjunatha C-i ashi.

Ri-Bhoi kübok yimtsüung 8 nung ak 40 aser West Khasi Hills kübok Nongstoin town nung ak 22 asüba osang lir.

Yaküm livestock census ajanga Meghalaya nung ak lakh 3.85 shi lir ta ashir.

Veterinary department-i taoba ita ASF putetba osang sangoktsü aser Prevention and Control of Infectious and Contagious Diseases in Animals Act, 2009 kübok tenokdangbatem agüja liasü.



OFFICE OF THE  
AO STUDENTS' UNION CHANGTONGYA TOWN  
P.O Changtongya Town , Pin -798613, Dist : Mokokchung : NAGALAND  
"Understanding, Progress, co-operation"

**TENÜNGSANG AGÜTSÜR**

Ao students union changtongya town (ASUCT) ajanga kaketshir shirnoki HSLC & HSSLC examination 2023 nung takok tulu ajangzektetoko nenok ajak nem konang tetushi aser tenüngsang tulu agütsür.

Kaketshirtemi pei mapa aser khuret angateta meranga temolung agütsüba ajanga iba takok marok ngutetoko ta Tsüngrem nem tenüngsang agütsür.

Nenok tarutsü anogotem nung a maneni iba kesa tejangraba aser angazükünüba molungjang ji bener kaketshiba wadang nung nokdaktüsü yimlar.

Tsüngrem tulusang i nenok kija taküm wadang nung maneni moajang ta ASUCT sarasadem.

**Sd/-  
TALITEMSU  
President.**

**Sd/-  
IMSUAKUM  
General Secy.**

**TENÜNGSANG AGÜTSÜR**

Kanga dang nümadanga Dimapur Ao Kaketshir telongjemi UPSC 2022, Civil Service tatidang nung takok angur parnok asem nem konang tetushi aser tenüngsang agütsür.

- 1. Mr. Yimkum I Ozukum Rank 203
- 2. Ms. Imkongnukla Ao Rank 723
- 3. Ms. W Aotula Ozukum Rank 874

Maneni AKTD-i tawa sangdongba HSLC aser HSSLC tatidang result nung union nung züngoksema aliba topper tem aser kaketshir shirnokisa takok tajung ngutetogo, nenok ajak nem tenüngsang agütsü. Tarutsü nunga nenok ajak maneni tako nguyonga aotsü imlaja ataba den Tsüngremi nenok maneni moajang ta sarasademtsür.

**Sd/-  
Imnatemsu Pongen  
President, AKTD**

**Sd/-  
Hangi Jamir  
General Secretary, AKTD.**

**Office of the  
UNGMA WATSÜ TELEN**

Dist: Mokokchung, Nagaland Pin- 798601

**TENÜNGSANG AGÜTSÜR**

Asür Ngangshimeren Jamir aser Wt. Tsüktitula Longkümtsür na jala **WANGSHIZENLA**-i Town Higher Secondary School nungi HSLC Examination 2023 nung Top 13 takok tajung anguba asoshi Ungma Watsü Telen-i tepela aser tenüngsang tetushi tulu agütsür.

Maneni la tarutsü wadang ajak nung takok ngudakjang ta sarasadem.

**Sd/-  
Wt. A. Yimyangerla Jamir  
Tir, UWT**

**Sd/-  
Wt. Chubasenla Longkumer  
Tongti Tezulur, UWT**

**AASU-i English oshi anema ita ka lungkak aittsü**

**Guwahati, May 27, 2023**

**(Agencies):** Sorkari Class 6 nungi tenzüker vernacular schools nung English agi mathematics aser science sayutsü lemtetba anema All Assam Students' Union (AASU)-i ita ka lungkak aittsü.

June 27 nü Guwahati nung academicians aser educationists senden nung lungkak aitba tembangtsü, ta AASU President (in-charge) Utpal Sarma aser Secretary Sankarjyoti Boruah nati

metetdaktüsü.

"Sorkari English agi mathematics aser science lemtetba magizüker kechiyong iba ajanga Assamese, Bodo aser tanga regional languages wazüka ayuba aser renlokba nung timtem ajurutsü. Parnoki yaküm iba sangdong agütsüba sülen nungi onoki ola adoka arur" ta AASU mendenpurtemi ashi.

Iba lemtet meyipa agidaktüsü asoshi AASU-i May 27 nungi tenzüka ita ka

lungkak aittsü.

Mezüngbuba nung May 28 nü Assam state nung teachers' associations den sendaksemtsü. May 31 nü AASU indang regional committees ajaki ghonda 10 lumitsü aser June 6 nü Guwahati nung "gana satyagraha" agitsü.

Pei oshi agi sayuba school tem nung comprehensive English language education agitsüla aser iba ajanga kaketshirtemi oshi angazüktsü ta AASU-isa metetdaktüsü.

**Rabha nunger teloktemi SI Junmoni Rabha nem tetushi agütsü**

**Boko, May 27, 2023**

**(Agencies):** All Rabha Students' Union (ARSU) Kamrup district-i Hokolbarnü asür SI Junmoni Rabha den asüpila sentong agidang shimo milen tsükloka tetushi agütsü.

ARSU den tanga Rabha teloktemi asür Junmoni Rabha nem tetushi agütsü.

Kamrup aser Goalpara district tem nung Rabha Hasong Autonomous Council regional committee office tem nung All Rabha Students Union, All

Rabha Women Council, Sixth Schedule Demand Committee nunger den tanga Rabha teloktemi shimo milen tsükloka sentong agi.

"CBI nem bushisüngdang asütsü onoki akhanger aser iba dak sendakba alirtem ozing tapet agi merenshitsüla" ta ARSU Boko regional unit president Surajit Rabha-i ashi.

"Onoki lungkak aitaka aser CBI nem bushisüngdang südaktsüsü takhangba agüjaka Assam home department aser

Chief Minister-i mapa meinyaker. Iba lendong ataloker anogo 10 süiogo saka tang tashi mapa kecha balala meinyak" ta ARSU Boko Unit General Secretary Dibyajyoti Rabha-ia ashi.

"Bushisüngdang ka meilongi inyakba atema onoki teblemtsü abener aser Junmoni Rabha nem temeten magütsü tashi onoki maneni lungkak aittsü nangzüker" ta ARSU Kamrup district president Ashok Nongbag-ia ashi.

# Russia-i nuclear lendong ka atalokdaktsütsü tasa asadar: Ukraine

**Kyiv, Monupii/May 27 (Agencies):** Ukraine defence ministry-i sangdong ka ajanga, Russia-i Zaporizhzhia nuclear power station nung lendong tulu ka atalokdaktsütsü asoshi tasa asadar, ta tekümdangtsü metetdaktsüogo.

Iba nuclear power station ya Russaia nunger sepaitemi amokbanger lir aser Moscow-i atsünger aliba tesemtem meyipa agitsü atema Ukraine apusoba mapang tetsükdaktsütsü adokdaktsütsü atema iba tasa ya asadar, ta ministry-i ashi.

Zaporizhzhia plant koba Russia-i atsünger aliba Ukraine anüolentiplen lir, iba ya Europe nung nuclear power station tulutiba lir aser iba tesem nung aiben bomb pokloktüsügo aser linük anapronglai kati ka dak tai tongloktüsütepa arudar.

Russia ket nungi parnoki atsünger aliba tesemtem agitsü atema Ukraine sentong yanglur aliba mapang nuclear dak sendakba nung lendong tulu ka ataloktsü akok ta tsübuu bilemba tali kümogo, kechiyong Zaporizhzhia temeket nung military inyakym tali kümogo.

"Russia-i Zaporizhzhia nuclear plant nung lendong tulu ka atalokdaktsütsü asoshi renemdar," ta Ukrainian defence ministry indang intelligence directorate-i Hokolbarnü sangdong ka ajanga metetdaktsü.

"Parnoki ZNPP [Zaporizhzhia Nuclear Power Plant] amenoka aliba tesem amaksü sentong yangludar. Iba sülen parnoki radioactive substances tem leak asüba indang osang sangdongtsü," ta intelligence directorate-i ashi.

Iba plant nungi radioactive material tem leak asüba indang osang sangdongba ajanga alima ajunga dak kongshitsü aser international ketdangsurtemi bushisüngdangtsüsa akümtsü, iba mapang raratepba ajak anena atatsü, ta directorate-i ashi. Iba sülen Russia-i parnok sepaitem asüngsashia Ukraine-i parnok amakba tali tajungba nokdaktsü asoshi renema atatsü atema rara anena atatsü, ta intelligence service yagi ashi.

"Parnoki Ukraine dak tai tongloktüsütsü," ta directorate-i ashiba den, iba lendong atalokdaktsütsü sentong aliba ya international lokti r o n g m e s o d a k j a bushisüngdangdaktsütsü aser rara anena atatsü atema lir, ta shisem.

Mongintemi ashiba agi, plant nung radiation leak asüba indang osang sangdongba sülen iba tesem nungi nüburtem anintsü, koba raraba tesem ka nung asünung kanga tasak asütsü. Nüburtem aika atema radiation dang nungibo radiation agi parnok temang menendaktsütsüba tsübuubaji tamajungba asütsü.

Ukraine-i Russia ket nungi parnoki atsünger aliba tesem balala meyipa agitsü atema yakta apusotsü ta imla aliba mapang ka nung taoba hopta Russia nunger sepaitemi iba nuclear power plant temeket nung parnok jenjang tajungba kuma yanglushio.

Radioactive lendong ka atalokdaktsütsü atema renemshiba mapang Russia-i, International Atomic Energy Agency (IAEA) nungi inspector tem mapa nung tetsükdaktsü adokdaktsüogo, shirnok iba plant nung amenoker lir, ta Ukraine indang intelligence directorate-isa shisem.

Zaporizhzhia nung lendong atalokdaktsütsü asoshi sentong yangluba indang osang ya United Nations dangi Ukraine indang representative Sergiy Kyslytsya-ia Twitter ajanga lemsatepogo aser pai ashiba agi, iba lendong ya mapang tatsüka tsüngda ataloktsü.

Directorate-i sangdongba osang ya shidak ta jangjatsü atema kuli kecha magütsü aser Vienna nung amendaker aliba IAEA, shirnoki power plant nung tensa indang mapangshia metetdaktsü, parnokia parnok inyakym nung minprongba indang osang kecha magütsü.

Iba plant amakba atema Kyiv aser Moscow napronglai kati ka dak tai tongloktüsütepa arudar.

February ita Russia-i ashiba agi, Ukraine-i parnok litsü nung nuclear dak sendakba lendong ka atalokdakja Moscow dak tai tongloktüsütsü asoshi sentong yangludar.

Zaporizhzhia plant yagi Ukraine indang electricity shilem 20 agüja liasü aser Russia-i linük amak tenzüka mapangbo mapangshia bomb poklokjaka inyangsangshia liasü, ajisüaka September ita nungi inyangsangshi masü kümogo.

# Imran Khan indang medical test nung cocaine ngutet: Pakistan health minister



Imran Khan

**Islamabad, Monupii/May 27 (Agencies):** Pakistan indang health minister Abdul Qadir Patel-i taoba Pakistan Ato Kilonser Imran Khan tekelok shidak asü meshidak iba indang tashishitsü keta lir ta ashiba den pa indang urine sample nung alcohol aser cocaine amala chemical tamajungtem ngutetogo ta ashi, ta ashi.

Iba dak sendakba nung Pakistan Tehreek-e-Insaf (PTI)-i ashiba agi, parnoki Patel aser pa nem teyari agütsürtem anema ken o benoktsü asoshi telemtetba agiogo.

Hokolbarnü Khan indang medical report dak sendakba nung osangbenertem den sensaksemba mapang Patel-i, "iba ya nenok indang Ato Kilonser lir aser doctor temi pa tekelok shidak ali mali iba indang tashishitsü keta lir ta ashir," ta ashi. May 9 apuba sülen Pakistan Institute of Medical Sciences (PIMS) nung Khan indang sample tem agizüka tendanga liasü.

Paisa arishi küm 70 tain Khan indang medical report ya linük dang sayutsü, kechiyong iba ya "public document" ka lir ta ashi.

"Medical report ajanga ashiba agi, onoki Imran den mapang talang ka sensak asema mapang pa inyakym ya anema (fit) aliba nisung kati inyangsangshiba ama masü ta ngutetogo," ta minister-i report indang jembiba Dawn News ajanga metetdaktsü.

Patel-isa, Khan indang urine sample nung alcohol aser cocaine amala chemical tamajungtem ngutetogo, ta ashi.

PTI-i ashiba agi, Khan-i temelaba agütsüba sülen iba telemtetba agi aser Abuzar Salman Niazi lenisüba nung parnok indang legal team-i ken o benoktsü atema renemshi

tenzükogo.

"Federal Health Minister Abdul Qadir Patel indang press conference ya taksü maket sentong ka liasü. Pakistan Tehreek-e-Insaf party-i Minister of Health aser pa nem teyari agütsürtem anema temzüng ozüing kübok jenjang agitsü asoshi telemtetba agiogo. Tehreek-e-Insaf mendenbuba Khan-i, Abdul Qadir Patel, NAB, Ministry of Health aser Pims Hospital doctor tem anema ken o benoktsü asoshi temelaba agütsüogo. Barrister Abuzar Salman Niazi lenisüba nung legal team-i ken o benoktsü atema renem tenzükogo. Abdul Qadir Patel-i jembiba o tem ya tamandakdak maka aser tenüing menüksüba densema tanga ozüing kübok aitsütsü," ta Pakistan Tehreek-e-Insaf-i Twitter nung zülutsü.

Patel-isa, report ajanga Khan tetsüing raksaba indang osang tejangja kecha maliasü ta ashi. Taoba PM-i pa November 3 nü tepsettsü merangba sülen pa tetsüing raksa ta shia liasü.

"Pa (Imran Khan) ita pongu trok ka tetsüing aleper liasü saka medical report ajanga tetsüing raksaba kecha mesayur," ta pai ashi.

## OFFICE OF THE LONGCHAR KIDONG CHUNGTIA VILLAGE

### TENÜNGSANG AGÜTSÜR

Miss. Rongsennunla Longchar, D/o Mr. Chetenlemba Longchar, lai HSLC 2023 tatidang nung St. Paul Hr. Sec. School Dimapur nungi Top 17 jenjang ajangzükteta konang nüngsang bener arutsü nung Chungtia Longchar Kidong ajanga tenüngsang aser tetushi tulu agütsür.

Tarutsü nunga maneni ne tazüngba wadang ajak nung takok ngua nükjidong tongtetba taküm ka asütsü asen kidong ajanga moatsür.



Sd/-  
T. Lanutoshi Lcr  
President

Sd/-  
Imkongwati Lcr  
Secretary.

## OFFICE OF THE DIMAPUR AOLI OZÜKÜM TELONGJEM DIMAPUR

### TENÜNGSANG TETUSHI AGÜTSÜR



Wb. YIMKUM OZÜKÜM



Kr. AOTULA OZÜKÜM

Ozükümsü Mrs. Meraienla Aier (Mopungchuket) tena jabaso **Wb. YIMKUM OZÜKÜM** aser Wb. T. Watimeren OZÜKÜM (Longpa) aser Kinungtsü Mrs. Kining tena jala **Kr. AOTULA OZÜKÜM** tenati tawa UPSC Civil Service tatidang nung takok tulu anguba asoshi asen Dimapur Aoli Ozüküm Telongjem-i Kangasa pelar aser tena nem Tenüngsang tetushi tulu agütsür.

Nubur aser alima tenzüksü asoshi Tsüngremi tena shimtetba atema asen Tsüngrem tenung tali asanger. Maneni nena taküm arishi tali moajangma.

Ano, Takum 2023 Küm HSLC aser HSSLC nung Ozükümer aser Ozükümsür shirnokisa takok tulu angu, nenok ajak dang Tenüngsang tetushi agütsür. Tsüngremi nenok meranga azungba nung tali temoatsü aser takokba nung jenjang tuluba nung züngtetsü moajangma.

Ano, asen kidong shirnoksa pei academic palala nung temaba jenjangnung ngua lir nenok ajak dang tepela tetushi agütsür. Tsüngremi nenok ajak moajangma.

Sd/-  
IMNAWATI OZÜKÜM  
General Secretary  
Dimapur Aoli Ozüküm Telongjem

Sd/-  
K. IMTIWATI OZÜKÜM  
General Secretary  
Dimapur Aoli Ozüküm Telongjem



Molungnen o

Asür Temsülemba Ozüküm kinungtsü asür **Mrs. Züluchila'er** (Rtd. Staff Nurse, NHAK) kinungertemi, May 19, 2023 nü temeim ojala iba akümlü wadang tembanger teti tatem maka alitsüba limai aoba anogo shironkisa temeim sayuogo nenok ajak dang kanga pelaba lemsateper.

Onoki Bethel Medical Centre, Kohima nung doctor, nurse aser staff tem dang mejeta pelaba lemsateper. Onokisa, mangyim jashi tia nung aliba mapang shirnoki onok nem teyari agütsüogo, nenok ajak dang kanga pelar, nenoki bendanga agüja yariba, temeim sayuba aser mulungsu tenla agütsüba ajanga ozü mangyimjashi khuret tepungbaba kümdaktsüogo. Anungji iba sangdong ajanga nenok ajak den tepelaba lemsatepba ya agizüksü onoki mepeshir.

Ojala ya Tsüngrem kanga meimba taküm ka liasü aser la tongmelang aser tashishitsü meketi liogo. La kanga tagatsünü, ochishir aser ajemaluba taküm ka liasü aser la taküm kanga azüoka lia aruogo. La tebur ajung ya Khrista süoki ia meimba adokba liasü. Lai lar kibong anitetsü asoshi takokba tashi la akaba ajak agütsüogo aser lar chirnurtemi la dang 'temoatsü' ta ajar.

- Temeim Jalatem aser kinungertem.

## MCFC aser Jorge Pereyra Diaz na tenangzüktepba yanglushi



**Monupii/May 27, 2023 (Agencies):** Indian Super League club Mumbai City FC-i sangdong ka ajanga, Argentina nungger midfielder Jorge Pereyra Diaz-i küm ka atema tenangzüktepba atsülangshiba metetdaksüogo aser pa club nungi 2023-24 season tatem tashi asayatsü.

Arishi küm 32 tain asayar yagi taküm Mumbai City FC nungi kanga takok ngua asayaogo aser club-i 2022-23 campaign nung Indian Super League Winners' Shield akokba nung teyari tulu agüja liasü.

Mumbai City FC offence nung Diaz-i kanga dang tongtibang shilem agia pai goal 12 idaktsü aser assist 10 süja liasü. Argentine nungger asayar ya MCFC nungi asayartem rongnungi goal timtiba

indaktsüba asayartem rongnung Greg Stewart aser Lallianzuala Chhangte na sülen tasembuba nung liasü.

"Ni iba club nungi tang tashi kanga jangradema asaya aruogo. Onoki team ka ama kanga junga asayaogo. Taoba season ni club atema kechi teyari agütsütetogo, iba atema kanga pelar aser ano taruba season atema yongya atar," ta Diaz-i ashi.

Diaz indang career ya Argentina nung Club Ferro nungi tenzük aser iba sülen pa Club Atletico Lanus-i ao. Maneni pa Johor Darul Tazim (Malaysia), Club Atletico Independiente & Club Leon (Argentina), Club Bolivar (Bolivia) aser San Marcos (Chile) nungi asaya liasü.

Arishi küm 32 tain asayar ya

Club Atletico Platense nungi ISL club Kerala Blasters-i loan nung aru aser iba sülen 2022 küm August ita Mumbai City FC nung dena liasü.

"Jorge ano season ka onok den asayatsü ta meteta kanga pelar. Pa dak goal idaktsütsü sempet lir ajisaka ajak dang tongtibangitbaji pa meket aliba asayartem den pai kanga junga sendaktepa asayateter aser iba ajanga taküm onoki attack süa asayaba nung shilem tulu ka agiogo. Pai asaya kanga junga angatetba aser mero mero mesüi asayaba den kanga meranga asayaba ajanga onok taruba season atema sentong yangluba mapang pa meyoki ayutsü asoshi telemtetba agi. Pa den maneni inyaktsü yongya atar," ta head Coach Des Buckingham-i ashi.

## Senior men's Inter-district tournament semifinal osang

**Dimapur, Monupii/May 27 (TYO):** Nagaland Cricket Stadium nung tanü Inter-District cricket asayamung mezüngbuba semifinal asaya Kohima aser Dimapur na asaya liasü. Telok ana tsüngda kanga toktepba asayaba sülen iba asaya ya defending champions Dimapur-i wicket 3 agi kokogo.

Toss aokba sülen Kohima team-i mezüng bat asütsü shim aser parnoki over 39.3 nung asayar ajak out ser run 135 yanglua liasü. Kohima team nungi Imomenba Walling-i asayamung tepeyong kanga junga asaya aruogo aser semifinal nunga pai run 48 yanglua liasü. Pa nem teyari agüja Hikato Aye-ia run 19 yanglu.

Ajisüaka Kohima team nungi tenati dang run timba yanglutet, kechiyong Dimapur team bowler temi tanungba asayartem junga masayadaktsüi ajak out sütsü. Dimapur team nungi Santosh Mahto aser Raja Swarnkar nati wicket asemsem agi aser Nagaho, Tahmeed aser Hem

nungeri wicket kaka agia liasü. Asaya akoktsü atema run 136 nungdaka asaya tanabuba shilem tenzükba sülen Dimapur team atema Shamphri Terang (34) aser Hem Bahadur Chetri (57) nati asaya kanga junga tenzüktsü, ajisüaka Kohima team atema Sepichem-i ball kanga junga ona wicket 4 agi aser Kelhousilie-ia wicket 3 agia liasü.

Asaya akoktsü atema ball 118 nungi run 27 nungdaka aliba mapang Dimapur team timtem nung liasü kechiyong parnok wicket asem dang anunger liasü, ajisüaka Hoponkyu Sangtam (run 10) aser Hem Bahadur Chetri nati kanga süngjema asaya-a Dimapur team nem takok agütsü.

Iba asaya atema man of the match naroküm Hem Bahadur Chetri nem agütsü.

Honibarnü tanabuba semifinal asaya Niuland aser Chümoukedima na asaya, koba Niuland-i wicket 8 agi koka final-i iogo.

Toss akokba sülen Chümoukedima-i mezüng bat amentsü shim ajisüaka parnok

rongnungi Mughavi (run 16) aser Sedezhalie (run 12) nati dang run 10 ajanga yangluteta liasü aser over 27.3 nung asayar ajak out ser parnoki run 69 dang yanglutet.

Niuland bowler tem rongnungi Vino G Zhimomi-i over 8.3 nung wicket 5 agi aser Sunil Sharma-ia wicket 3 agia liasü.

Asaya tanabuab shilem nung run 3 dang yanglur aliba Niuland team nungi asaya ana; Vishal Sahani 1 run aser Wahid Ali na out süatok. Asayar anaprongla ya Khrievitso Kense-i out süja liasü.

Ajisüaka Afzal Hussain (run 40) aser Hokaito Zhimomi (run 27) nati asaya azüoka asaya aser par team over 21.5buba nung takok dangi ania liasü.

Iba asaya atema man of the match naroküm Vino G Zhimomi nem agüja liasü, shibai over 8.3 nung wicket 5 agi.

Senior men's Inter-district asayamung final ya Niuland aser Dimapur na tsüngda May 29 (Hombar) nü Nagaland Cricket Stadium, Sovima nung asayatsü.

## Malaysia Masters: Prannoy final-i iogo; Sindhu tsükogo

**Kuala Lumpur, Monupii/May 27 (Agencies):** Honibarnü Malaysia Masters tebur kija asaya semifinal nung Indonesia nungger asayar Christian Adinata temekok yiruba ajanga masayatetsüsa akümba sülen India nungger badminton asayar HS Prannoy final-i iogo.

Adinata yiruba mapang tashi nung World number 9 asayar Prannoy 19-17 agi tejakdang liasü. Shuttle ka joka tur zükloksüba mapang Adinata court nung junga majemdaki pa temekok tabelen yirua liasü.

Arishi küm 21 tain Adinata, shibai 2019 World Junior Championships koker liasü, pa Prannoy aser Indonesian coach nati yakta or asadang aser iba sülen court nungi anir tuguatok.

Final nung Prannoy, China nungger asayar Weng Hong aser Chinese Taipei nungger asayar Lin Chun-Yi na semifinal asaya tembangba sülen takoker den asayatsü.

Kasa mapang nung

Prannoy taküm mezüngbuba final ka tongtetogo aser taoba küm Swiss Open nung tanabuba jenjang nung tembangba sülen tang agi tanabenbuba final tongtetogo.

Prannoy taküm mezüngbuba final ka tongtetogo aser taoba küm Swiss Open nung tanabuba jenjang nung tembangba sülen tang agi tanabenbuba final tongtetogo.

Kasa mapang nung

Prannoy taküm mezüngbuba final ka tongtetogo aser taoba küm Swiss Open nung tanabuba jenjang nung tembangba sülen tang agi tanabenbuba final tongtetogo.

Kasa mapang nung

Prannoy taküm mezüngbuba final ka tongtetogo aser taoba küm Swiss Open nung tanabuba jenjang nung tembangba sülen tang agi tanabenbuba final tongtetogo.

Kasa mapang nung

Prannoy taküm mezüngbuba final ka tongtetogo aser taoba küm Swiss Open nung tanabuba jenjang nung tembangba sülen tang agi tanabenbuba final tongtetogo.

Kasa mapang nung

Prannoy taküm mezüngbuba final ka tongtetogo aser taoba küm Swiss Open nung tanabuba jenjang nung tembangba sülen tang agi tanabenbuba final tongtetogo.

Kasa mapang nung

Prannoy taküm mezüngbuba final ka tongtetogo aser taoba küm Swiss Open nung tanabuba jenjang nung tembangba sülen tang agi tanabenbuba final tongtetogo.

Kasa mapang nung

Prannoy taküm mezüngbuba final ka tongtetogo aser taoba küm Swiss Open nung tanabuba jenjang nung tembangba sülen tang agi tanabenbuba final tongtetogo.

Kasa mapang nung

Prannoy taküm mezüngbuba final ka tongtetogo aser taoba küm Swiss Open nung tanabuba jenjang nung tembangba sülen tang agi tanabenbuba final tongtetogo.

Kasa mapang nung

Prannoy taküm mezüngbuba final ka tongtetogo aser taoba küm Swiss Open nung tanabuba jenjang nung tembangba sülen tang agi tanabenbuba final tongtetogo.

Kasa mapang nung

Prannoy taküm mezüngbuba final ka tongtetogo aser taoba küm Swiss Open nung tanabuba jenjang nung tembangba sülen tang agi tanabenbuba final tongtetogo.

Kasa mapang nung

Prannoy taküm mezüngbuba final ka tongtetogo aser taoba küm Swiss Open nung tanabuba jenjang nung tembangba sülen tang agi tanabenbuba final tongtetogo.

Kasa mapang nung

Prannoy taküm mezüngbuba final ka tongtetogo aser taoba küm Swiss Open nung tanabuba jenjang nung tembangba sülen tang agi tanabenbuba final tongtetogo.

Kasa mapang nung

Prannoy taküm mezüngbuba final ka tongtetogo aser taoba küm Swiss Open nung tanabuba jenjang nung tembangba sülen tang agi tanabenbuba final tongtetogo.

Kasa mapang nung

Prannoy taküm mezüngbuba final ka tongtetogo aser taoba küm Swiss Open nung tanabuba jenjang nung tembangba sülen tang agi tanabenbuba final tongtetogo.

Kasa mapang nung

Prannoy taküm mezüngbuba final ka tongtetogo aser taoba küm Swiss Open nung tanabuba jenjang nung tembangba sülen tang agi tanabenbuba final tongtetogo.

Kasa mapang nung

Prannoy taküm mezüngbuba final ka tongtetogo aser taoba küm Swiss Open nung tanabuba jenjang nung tembangba sülen tang agi tanabenbuba final tongtetogo.

Kasa mapang nung

Prannoy taküm mezüngbuba final ka tongtetogo aser taoba küm Swiss Open nung tanabuba jenjang nung tembangba sülen tang agi tanabenbuba final tongtetogo.

Kasa mapang nung

Prannoy taküm mezüngbuba final ka tongtetogo aser taoba küm Swiss Open nung tanabuba jenjang nung tembangba sülen tang agi tanabenbuba final tongtetogo.

Kasa mapang nung

Prannoy taküm mezüngbuba final ka tongtetogo aser taoba küm Swiss Open nung tanabuba jenjang nung tembangba sülen tang agi tanabenbuba final tongtetogo.

Kasa mapang nung

Prannoy taküm mezüngbuba final ka tongtetogo aser taoba küm Swiss Open nung tanabuba jenjang nung tembangba sülen tang agi tanabenbuba final tongtetogo.

Kasa mapang nung

Prannoy taküm mezüngbuba final ka tongtetogo aser taoba küm Swiss Open nung tanabuba jenjang nung tembangba sülen tang agi tanabenbuba final tongtetogo.

Kasa mapang nung

Prannoy taküm mezüngbuba final ka tongtetogo aser taoba küm Swiss Open nung tanabuba jenjang nung tembangba sülen tang agi tanabenbuba final tongtetogo.

Kasa mapang nung

Olympics nung medal ana tashi ngur alila P V Sindhu, tetsür kija asaya final metongteti liasü. Semifinal asaya nung la Indonesia tsür Gregoria Mariska Tunjung-i 14-21 17-21 agi koka liasü.

World number 9 Indonesia tsür la ya tenetben tashi tamakok anguba sülen tang agi tanabenbuba atonga lai Sindhu kokogo.

Tebur kija asaya semifinal nung Prannoy-i kanga junga asaya tenzük aser pa mapang tatsüka tsüngda 11-1 agi tejakdang aküm. Ajisüaka break sülen Aditana-i kanga junga asaya aser taruba point teku nungi tenet ngua liasü.

Jump cross court smash ka zükloksüba sülen Prannoy pasasa dak temulung lemteta aküm, ajisüaka pai unforced errors menaba aser Adinata shot tajung kar asayaba sülen point 10-14 aküm.

Maneni Adinata cross court winners kar ngua point 14-15 aküm aser mapang tatsüka tsüngda point 16-16 aküm.

Iba sülen Prannoy-i tajungba asaya aser 19-17 agi pa tejakdang kümer aliba mapang Adinata yiruba ajanga asaya anenatok.

## Haaland nem Premier League Player of the Season naroküm agütsü



**Monupii/May 27, 2023 (Agencies):** Erling Haaland nem Honibarnü Premier League's Player of the Season naroküm agütsüogo. 2022-23 season nung pai otsü tasen yanglua asayaba den Manchester City-i league title asembuba atonga abenba nung teyari tulu agüja liasü.

Arishi küm 22 tain Haaland-i asaya 35 nung goal 36 idakja taoba mapang Premier League campaign ka nung goal 34 idakja Andy Cole aser Alan Shearer nati otsü tasen yanglur aliba pai ajateta liasü. Iba record ya küm semer tashi shingaija majateti liasü.

Norway nungger asayar nem iba naroküm ya nüburtem, Premier League club 20 nungi captain tem aser soccer

experts panel kati vote agütsüba sülen agüja liasü.

City nungi asayartemi iba naroküm ya küm pezübuba atonga nguogo. 2019-20 aser 2021-22 küm iba naroküm Kevin De Bruyne nem agütsü aser 2020-21 season nung Ruben Dias nem agüja liasü.

Iba naroküm atema Haaland-i, De Bruyne, Arsenal nungi Bukayo Saka aser Martin Odegaard, Manchester United nungi Marcus Rashford, Tottenham Hotspur striker Harry Kane aser Newcastle United defender Kieran Trippier nungger ajateta liasü.

Kasa mapang nung pa nem Football Writers' Association Footballer of the Year naroküm dena agütsüogo.

## BILEM DANGANG

"Nai langka maginüra melenshiang."